

տապնդուել ու հետապնդուում է անզլիացիներին կողմից :

Այս ծրագրին ընդառաջ է գնում Ռուսաստանը, որոշ վերապահումներով ու փոփոխութիւններով : Ռուսական տեսակէտը լիռլի արտայայտում է Սաղոնովի 1916 թ. Փետր. 29-ին (13 Մարտ) Յարին ներկայացրած հետեւեալ թղթի մէջ .

«Ի նախատեսութիւն պատերազմի յաղթական վախճանի եւ ի դէպս թիւրքիայի ասիական կալուածների ճակատագրի հարցի յարուցման, Փրանսական եւ անգլիական կառավարութիւնները ներկայացրել են մեր քննութեան Փոքր Ասիայի բաժանման ծրագիրը, որ կազմուած է այդ վայրերին լուստեղեակ պիլիզի եւ Սըր Մ. Սայքսի կողմից :

Այդ ծրագրի հիմնական կէտերը յանդում են հետեւեալ բաների .

Ամբողջ տարածութիւնը Սեւ ծովի եւ այն գծի միջեւ, որ սկսում է Ուրմիոյ լճից եւ ընթանում է դէպի Անամուր, Վանից, Բիթլիսից, Մուշից ու Սարբերդից հարաւ, Տաւրոս ու Անտիտաւրոս լեռնաշղթաներով, դրւում է Ռուսաստանի տրամադրութեան տակ՝ ապագայում սահմանադժեռու համար թիւրքական սուլթանի հետ Անատոլիայում :

Փրանսայի տիրապետութեանն է անցնում մի նեղ ծովեզերեակ շերտ Սիւրիայում ու Կիլիկիայում, որը գնում է մոտաւորապէս Ակիլայից մինչեւ Անամուր եւ ծրագրուած ռուսական սահմանից դէպի հարաւ գտնուող հողերը . մոտաւորապէս Այնթապ-Ուրֆա-Մարաին-Ուրմիա գծով :

Անգլիան ստանում է Պարսկաստանին ու Պարսից ծոցին յարակից, այժմ արաբական Իրաք անունով յայտնի շրջանը :

Ամբողջ շրջանը Փրանսական եւ անգլիական կալուածներին միջեւ կը կազմէ անկախ արաբական պետութիւն (խալիֆայութիւն), կամ մի քանի արաբական իշխանութիւնների դաշնակցութիւն :

Նրա հիւսիսային մասը ճանաչուած է Փրանսական ազդեցութեան շրջանում, հարաւայինը՝ անգլիական :

Պարսկաստանը կը կազմէ առանձին ինքնավար մի շրջան միջազգային հակակռօի տակ :

Բացի այդ, Փրանսան եւ Անգլիան ստանձնում են մի շարք պարտաւորութիւններ իրենց ազդեցութեան գոտիների մէջ, ապագայ արաբական պետութեան հողի վրայ, միմեանց առեւտրական ու անտեսական ամէն տեսակ առանձնաշնորհումներ եւ զիւրութիւններ ընծայելու համար :

Նոյն ծրագրում մեզ համար ամենաշակահան նշանակութիւնն ունի առաջարկուող Փրանսանգլիական սահմանը, որը պէտք է մեր ապագայ հողերը բաժանէ Փրանսականներից :

Տեղապրական տեսակէտից հետեւելով գլխաւոր լեռնաշղթայի ընթացքին, նա բաւական բնական է, բայց քաղաքական ու ռազմազիտական նկատումներով հազիւ թէ կարող է համարուել ընդունելի : Մեր ասիական սահմանում, մեծ տարածութեան վրայ, խառն ու անհանդարտ բնակչութիւն ունեցող վայրերում մեծ եւրոպական պետութիւն երեւում է, թէկուզ ներկայիս մեզ դաշնակից, եւ նրա տեղաւորումը մի անկիւնով ռուս-պարսկական սահմանազլիին, պէտք է ընդունուի իրր անբաղձալի : Բացի այդ, ի մասնաւորի մենք չէինք կարող ընդունել Ուրմիոյ շրջանում մի ուրիշ եւրոպական պետութեան վեհապետութիւնը, իբրեւ հետեւանք մեր միտինարական շահերի կարեւորութեան տեղական քրիստոնեաների մէջ :

Մեզ համար կը լինէր ամենից աւելի ձեռքստու հարաւում ընդհանուր սահման ունենալ որեւէ ասիական մահմեդական պետութեան հետ՝ լինի այդ արաբական խալիֆայութիւնը կամ թիւրքական սուլթանութիւնը : Այս տեսակէտը, թւում է թէ, արդարացում է եւ այն նկատումով, որ Փրանսացիների հետ ունեցած մեր նախընթաց բանակցութիւնների ժամանակ Նեղուցների եւ Պոլսի մասին, մենք, համաձայնում էինք, ըստ Փրանսայի արտայայտած ցանկութեան, միացնել նրան միայն Սիւրիան ու Կիլիկիան մինչեւ Տաւրոս, իսկ Տիգրանակերտի շրջանը մտցնել Միջագետքի մէջ :

Սակայն, եթէ մեզ չյաջողուի անցկացնել այս տեսակէտը, այդ դէպքում անպատճառ պէտք է սղնդել, որ մեր դատու մէջ մտցուի Ուրմիայի շրջանը եւ Բիթլիսի անցքերը՝ տա-